



ENERGOTEHNICA d.d. Vogošća

Igmanska bb, 71320 Vogošća, Bosna i Hercegovina, tel: +387 33 432 632, +387 33 433 848,
<https://www.bagsenergetehnika.ba>, e-mail: info@bagsenergetehnika.ba

Vogošća: 20.12.2024. godine
Broj: 128-12/24

SAOPĆENJE ZA JAVNOST DRUŠTVA
„BAGS-ENERGOTEHNICA“ d.d. Vogošća
-DEMANTIJ NA IZJAVE PREMIJERA NIHADA UKA”

Poštovani građani Opštine Vogošća, građani Kantona Sarajevo i Bosne i Hercegovine, kao direktor društva BAGS ENERGOTEHNICA dd Vogošća prinuđen sam ponovo obratiti vam se ovim putem, iako sam obećao da neću, ali za dijalog koji sam tražio je potrebno dvoje.

Naime, 19.12.2024. godine Premijer Nihad Uk je na svom FB profilu i profilu Vlade KS objavio internu "INFORMACIJU" koju je tražio šef Ureda za Korupciju usmenim putem, a što po samom nazivu predstavlja INFORMACIJU, a ne i "formalno pravno" utemeljene činjenice.

Tačno je da smo 13.11.2024. godine sa nadležnim Ministarstvo potpisali Sporazum o sufinansiranju nabavke energenta za grijnu sezonu 2024/25 u iznosu od 900.000 KM a da je 14.11.2024. godine održana i press konferencija tim povodom, na kojoj je ministar Bojan Bošnjak obećao odmah i dodatna sredstva do kraja grijne sezone odnosno kraja aprila 2025. godine.

Odmah po potpisu Sporazuma 14.11.2024. godine tražili smo od Ureda za korupciju KS da imenuju supervizore, a koji su 20.11.2024. i dostavili akt o imenovanju istih. Nakon usaglašenog termina, sastanak sa supervizorima je održan 27.11.2024. godine u prostorijam našeg društva, gdje su dogovoreni svi pravni koraci koje trebamo poduzeti, a što je i napisano u mailu od 28.11.2024. godine.

Nakon konsultacija sa Uredom za korupciju KS, 29.11.2024. godine, dobili smo mail kojim nas supervizori obavještavaju da nije moguće sprovesti javnu nabavku iz razloga što je Sporazum kojeg je pravilo nadležno Ministarstvo svjesno definisalo rokove koji se ne mogu ispoštovati odnosno da se javna nabavka završi i energent isporuči do kraja 2024. godine. Vlastite kapacitete za smještaj cca 1000t energenta imamo i ta činjenica nije mogla biti ni upitna.

Infomacije da društvo BAGS ENERGOTEHNICA dd Vogošća nije donijela Odluke i Rješenja o imenovanju komisije za javne nabavke te iste objavila na portalu Agencije za javne nabavke BiH su neutemeljene jer kako Premijer kaže ove "formalne" stvari nisu ni nužne bile jer nam je **javna nabavka stopirana** i objava tih podataka bez stvarnog pokretanja javne nabavke bi bila obmana i iznošenje lažnih podataka.

Činjenično je da sam dva puta pisao Premijeru i nadležnom Ministarstvu za ovu problematiku i tražio hitne sastanke ali se nikad niko nije očitovao. Tačno je i da uvidom u utvrđeni nacrt Budžeta Kantona Sarajevo za 2025. godinu, nema budžetom planiranih sredstava za subvenciju nabavke energenta a što je vidljivo na stranici 210, redni broj 33, fukcija 043, gdje je u 2024. godini predviđeni iznos bio 300.000 KM, a za 2025. godinu nema predviđenih sredstava.

Podsjećam Premijera na data obećanja Ministra Bojana Bošnjaka da odobrenih 900.000 KM nije dovoljno za grijnu sezonu i da će početkom 2025. godine odobriti nova sredstva kako bi se grijna sezona uredno završila, a koliko vidimo od toga nema ništa, iako sam predao amandmane na nacrt budžeta.

Identifikacijski broj: 4200479170006, Porezni broj: 02050456, PDV broj: 200479170006.

MBS: 65-02-0004-14 Kantonalni sud Sarajevo,

Transakcijski računi: 1340011120028909 ASA Banka d.d. Sarajevo, 1540012000291290 Intesa Sanpaolo Banka d.d. Sarajevo

Želim takođe da podsjetim građanje da je Premijer Nihad UK gostujući kod gosp. Emele Burdžović prije mjesec dana **obećao** da društvo BAGS ENERGOTEHNIKA dd Vogošća u 2025. godini neće ni postojati u ovom obliku a gostujući kod gosp. Vildane Selimbegović da će građanima Opštine Vogošća već u februaru 2025. godine obznaniti da li će imati u budućnosti grijanje ili ne. Ovim putem molimo Premijera da nam to objavi već danas, da se i građani, djeca u školama i dvoranama „snađu“.

Imajući u obzir da u nadležnom Ministarstvu nemamo ovlaštene osobe, građani Opštine Vogošća, djeca u školama i KSCu, te uposlenici MUPa i Opštine Vogošća kao i uposlenici “jedne firme od 350 zaposlenih” su ostali u čekanju da Premijer Nihad Uk odobri korištenje robnih rezervi KS kao što je i prethodnih godina odobravao.

Društvo BAGS ENERGOTEHNIKA dd Vogošća je preobrodila i gore situacije pa je spremna odmah odgovoriti i prebroditi sve izazove pred koje nas stavlja Premijer.



Direktor

